

alsus. Na deme dat em broc̄ wart an syne gewere, efft he icht tho rechte dy schale geuen, vnde efft du ichtē mogest beschuldigen, vnde bliuen ane schaden. Dat vintme. So vrage der richter na syne gewedde. Als hie vor geleret is. So vrage, wo du vnschuldich schalt werden. So vintme met denes fulues hant allene, edder na wanheit. So vintme, sulff seuende dat is vntrech.

41) Van der drūdde vormengeden flage.

De drūdde vormengede flage kummet van louede. Louet dy ein wat, vnde wil he des dy nicht holden, so myn einen vorsprake als hie vor geleret is, de sprekē alsus. Here her richter, M. de Kla get gode vnde yw, dat M. heft ene geloue by synen trouwen, vnde biddet eines ordels, est gy icht van rechte en scholen tho der antwerde biden. Dat vintme. Wēn de drūdde flage kummet he denne vor vnde vragest eines ordels est he en icht schole seggen wat he en gelauet heft. - Dat vintme. So spreken dese, Here her richter, he laude my eine gewere don ic̄ my met en sindē vor yw don my dat vnglücke geschen was. Dat ic̄ M. den bedderuen man geschlagen hadde, dat he fuluen gewert hadde. Nu is gekomen M. des doden magh, den mochte he nicht mit rechte affrosten, den mochte ic̄ yennen beteren. Edder syn here beschuldigede my vmmē de wunde, de ic̄ em gebetert hebbē, edder he beslagede my vme de sake, vnde nōme sy, de ic̄ en vor yw vorsonde vnde vor deme gerichte, vnde wolle my lyflos gemackt hebben vnde bidde, dat gy en darumme tho der antwerde biden. Sprecket denne de antwerder, Here her richter vnschuldich bin ic̄ des, dat ic̄ em heynige gewere louede, vnde bide eines ordels, est ic̄ em des icht neger to vntgande sy. So vrage. Na deme dat yt vor gerichte geschen sy, est du des em icht neger syst ouer tho tūgende. Dat vintme. So vrage vort, wo du yt betügen schalt. So vintme met deme richtere vnde met twen ordel vinderen. Wenne du yt denne getüget heft, so vrage, wat nun syn brocke sy. So vintme he schale geuen eine werebute. So vrage, wat eine werebute sy. So vintme syn rechter hant, edder syn halue weregelt. Were auer de antwerder dar nicht, so vrage, est me en van rechte veruesten schole. Na deme dat he synē hant vorvoracht hedde. Dat vintme. So vrage, we en vorlouen schole. So vintme de richter vnde de dingpflichten met vingern vnde met tungen. So vrage, efft du en tho allen tyden icht vphaldeu mutesē in deme gerichte. Dat vintme. So vrage, wat syn broke sy, de en huset vnde spiset witlikē. So vintme syn gewedde. Heft en auer dyn here geschuldiget, so frage, Est dyu here vmmē dyne wunden yemanden schuldigen moge, des knecht du bist, vnde des eigen du nicht en bist. So vintme, he ne moge. Id en were en denne tho laster vnde tho schaden gedan. So vrage, est en de here schuldiget vmmē dat, dat des em andrepē, efft du em des doruest affnemen. So vintme, du ne doruest, du en hebbest en yt sunderlichen gelauet. Hestu auer vrede vnde sune vor einen anderen gelauet. So vrage, Na deme dat du vor M. gelauet heft, vnde de gebroken hebbē, wo du dat tho rechte beteren scholest. So vintme, he schole syn weregelt geuen. So vrage wat dat

sy. Dat vintme na der Bort. Heft he auer anders wat gelauet, des he nicht holden en mach. So vrage, wat dar denne rechtes vmmē sy. So vintme de richter schole ene yenneme vor de schule antwerden by der hant. Is he auer dar nicht, vnde mach me des em nicht affhanden, so vordel let men em syn erue, synē ere, vnde syn leenrechte. Heft he auer den vrede vnde de sone vor sick fuluen gelauet, vnde vorsaket he de sune, so vrage eines ordels, wet he des neger tho vorsakende sy, want du en ouer tho gande fist. So vintme du seyst der sune neger tho beholdene. So vrage wo duyt betügen scholest. So vintme. Iſſet vor gerichte geschen, so schaltuſt sulff seuende tūghen. Vorsakede he denne, dat he dat an nicht gebroken hebbē vnde vragede est he des die vntgan moge. Dat vintme, yt ne sy denne vor deme gehegeden dingē geschen edder gelauet. Iſſet denne vor deme gerichte geschen. So vrage wo du des vulkomen scholeſt, dat he sy gebroken hebbē. So vintme met deme gerichte vnde met ses ordel vindern. So vrage, wat he dar mede vorbereit hebbē. So vintme syn lyſſ. So vrage welkes dodes he dar met vorbereit hebbē. So vintme das he auer ynen geredede. Wete dat deseſt dre vorschreuen flagen de dar beginnet. Sprecketu des vort. Antdeme Brün edder Blaauw ic. de fint borgelick vnde sunder geruchte erheuen vnde werden doch pinelic, de hebbē we dy to der bekantuisse gesat. De erste de dar beginnet. Sprecketu das wort. Antdeme brün ic. de pineget so, dat sy den gemeinen vrede nyymmet, dat is dat me einen voruestet. De ander de dar beginnet. De ander kummet tho van anefang ic. de nyymmet dat lyſſ. De drūdde de dar beginnet. De drūdde vormengende flage kummet thu ic. de nyymmet dat lyſſ, edder de ere, edder gesunt.

42) Wat de erste vormengede flage is, de me pinlicke ansettet vnde na borgelick wert.

De erste vormengende flage, de me pinlicke ansettet, vnde doch borgelick wert, is vnde kummet sus tho. Schleit in einen wech ouer dyn gewunnen land, multu ene panden, vnde weret he dy dat, so rup dyn geruchte. So muten dy alle de volgen de yt horen. Wenne du en denne begripeſt, so vure en vor den richter vnde nem vorspraken vnde vrage. Na deme geruchte, est du yt rupen mustest, als hit vor geleret is. So sprecket de vorsprake vort, Here her richter, dat steit hit M. vnde dancet ym vnde allen vromen lüden, de synē geruchte gevölget hebben, vnde flaget ouer M. den fuluen berüchtigeden man, dat he quam met gewelt vnde ergerde vnde treddede em synē sure arbeide lant met einem wege vnde vor sede em eint pant vnde pandes recht mit gewalt. Als gy ouer dat lant em hebbē gewracht einen rechten vreden heft he em gebroken, vnde biddet dat rechtes gerichtes vmmē. Wenne dy denne tu der antwerde bideſt, so sprecket, Here her richter. Ich bideſt eines rechtes. Na deme dat M. my thyet, dat ic̄ den vrede op sy neme gute schal gebroken hebbē, den gy em gewracht hebbē. Est he icht hit met yw des vulkomen schal, dat gy em den vrede gewracht hebbē et ic̄ dar vmmē antwerden schole, edder wat dar rechtes vmmē sy. So vintme